

Jān Būreejtōn Dieter F. Uchtdorf

Rikakpilōklōk eo Kein Karuo
ilo Būreejtōnji eo Kein Kajuon



Kappukot Kraist ilo Kūrijmōj

Nan aolep ro rekōṅaan in mejele wōn kōj āinwōt membōr ro an Kabuñ eo an Jisōs Kraist im Armej ro Rekwojarjar ilo Raan-ko Āliktata, ikōṅaan lewaj juon ijjino ej kōmejeleiki kōn naan kein jilu: Jej kappukot Kraist.

Jej kappukot E ṅan ekkatak kōn E. ṅan ļoore E. ṅan erom āinwōt E.

Aolep raan ilo aolepān iiō eo, jekar kappukot E. Eļaptata ilo tōre in ilo juon iiō—Kūrijmōj, ṅe jej keeme me ļotak eo an Rilōmōṛ eo ad ejitōn bōro—būruwōd eļapļok an atartarļok ṅan E.

Āinwōt mōttan wōt maanjabpopo ko ad ṅan keememej Kūrijmōj, jen ļomṅak kōn wāween an kar armej ro ilo ruo epepen ko mōktaļok kar pojak in karuwaineneiktok itaaktok eo an Rilōmōṛ eo.

Rilale Sip ro

Jejjab lukkuun jeļā kōn rilale sip ro, ak men eo de eo rekar kōmṅane “pād ilo jikin wūjooj, im lale bwijjin sip ko aer ilo boñ.”¹ Rilale sip ro rekar ļapļok jān āinwōt kōj armej, rekar āinwōt elōn armej ro remṅan rej diwōjļok kajjojo raan im pukot aer mour.

Remaroñ bōk jikin armej ro, ilo juon tōre, remaroñ kar jab niknik kappukot Kraist, ak būruweer ekar oktak ke lañ ekar peļļok im Kraist kar kwaļok ṅan er.

Rein rej ro, ālkin aer roñ ainikien rilotok ro jān lañ, rekar mōkaj im etal ṅan Bethlehem kōṅaan lo.²

Rikanpil ro

Rikanpil ro rekar rimāletlet ro rekar ekkatak kōn itok eo an Messaia eo, Maan eo Nejin Anij. Jān ekkatak ko aer, rekar kalikkar aolep kōkalle ko rekar jitōnļok ļotak eo An. Ke rekar kalikkari, rekar emṅakūt jān mōko mweer im etal ṅan Jerusalem, kajjitōk, “Ewi eo me ekar ļotak Kiiñ an Rijew ro?”³

Jeļāļokjeṅ eo aer kōn Kraist ekar jab pād wōt ilo aer jeļā. Ke rekar loe kōkalle ko an ļotak eo An, rekar emṅakūt. Rekar jino iaļ eo aer ṅan kappukot Kraist.

Rikanpil ro rekar pinej jenkwān armej ro rekar kappukot Kraist ilo aer ekkatak im katak māletlet. Aer kijejeto ṅan mool eo ekar maroñ tōļļok er bwe ren maroñ lo Kraist im kabuñjar ṅan E āinwōt Kiiñ an kiiñ ro, Rilōmōṛ eo an aolep armej.⁴

Simeon im Anna

Simeon im Anna rekar pinej jenkwān ro rekar kappukot Kraist kōn Jetōb eo. Jetōb rein rekabwilōñlōñ rekar wūjlepļok ilo kabuñ im, jān jitļok im jar im jān aer tōl mour ko an armej kōn wūjlepļok im pokake, rekar kijoror in lo raan eo ej itok an Nejin Anij.

Kōn tiljek, ettā bōro, im tōmak, rekar kijenmej im kōttar itok eo an Rilōmōṛ eo.

Ilo mool, tiljek eo aer kar nōbar er āinwōt an Meri im Josep kar kwaļok ṅan er niñniñ eo naaj juon raan bōk Ioon Make jerawiwi ko an aolep armej.⁵

Ritōmak ro ilubwilijin RiNipai ro im RiLeman ro

Bwebwenato in emman kōn wāween an ritōmak ro ilo Lal eo Ekāal pukot kōkkaļle ko an lotak eo an Rilomqor eo loe ilo Bok in Mormon eo.

Kwōj keememej ro ekar wōr aer tōmak ilo Kraist kar kajirere im kakkure er. Armej ro robrak kōn men ko an laļ in im māletlet raan eo rekar kōnanaik ritōmak ro rekar wōnmaanļok wōt im rie tōmak eo. Ilo mool, armej ro rekar jab tōmak rekar kwaļok ainikien aer kōnanaik er bwe rekar kōmmane “juon iruj eļap” iaolepān āneo (3 Nipai 1:7). Rekar kajirere kōn ro rekar tōmak bwe Rilomqor eo enaaj lotak.

Aer illu im kōjdat ekar laļok bwe rekar jino aer jab bōj-rak nān man aolep ro rekar tōmak ilo Rilomqor eo. Bok in Mormon ej rekoote jekjek in maikutūt in.⁶

Ritōmak ro rekar jokwe ilo tōre in rekar marōn pinej jenkwān armej ro rekar kappukot Kraist mekarta armej ro jet rekar ettōn, kajirere, im kajjieōn kōmman bwe ren illu. Rekar kappukot Kraist meñe armej ro jet rekar kajjieōn bōd nān aer pinej jenkwān er āinwōt jet rejjab emman, ro rejjab meļeļe, ak ro epidodo aer moņe er.

Ak illu ippān ro jet ejjab kainezataik ritōmak ro remool jān aer kappukot Kraist.

Jej kappukot Kraist

Ilo aolepān iio in, im bōlen eļaptata ilo season in Kūrij-mōj in, enaaj kōjeraamman kōj bar juon alen nān kajjitōk kajjitōk in “Ewi wāween aō kappukot Kraist?”

Ilo juon iien epen ilo mour eo an, Kiin Devid ekar jeje, “O Anij, Kwe aō Anij; inaa pukot Eok mokta: jetōb eo aō ej maro kōn Eok, kanniōk iō ej kwele kōn eok.”⁷

Bōlen mwil rot in ilo kappukot Anij ekar juon iaan un ko Devid ekar kōmeļeļeik āinwōt juon emman ekar pukot būruwōn Anij.⁸

Ilo Kūrijmōj season in im ilo aolepān iio in, jemaroñ ke kappukot kōn būruwōd im jetōb ko ad Rilomqor eo ad ejitōn bōro, Irooj in Aenōmman, Eo Ekwojarjar an Israel. Bwe ikdeele in, ilo juon joñak eļap, ej kōmeļeļeik jab wōt armej ro āinwōt ro uwaan Kabuñ eo an Jisōs Kraist im Armej ro Rekwojarjar ilo Raan-ko Āliktata ak eļapļok wōn ro lukkuun kōj rej āinwōt rikaļoor ro an Kraist.

KAKEMEMEJ KO

1. Luk 2:8.
2. Lale Luk 2:15.
3. Lale Matu 2:1–2.
4. Lale Matu 2:11.
5. Lale Luk 2:22–38.
6. Lale 3 Nipaii 1.
7. Sam Ko 63:1.
8. Lale Jerbal 13:22.

KATAKIN JĀN ENNAAN IN

Ewi wāween an emmanļok ad kappukot Kraist, āinwōt Būreejtōn Uchtdorf ej elmakot e? Komaroñ rōjañ ro kwōj katakin bwe ren kajjitōk ippāer make, “Ewi wāween aō kappukot Kraist?” Lōmņak in karuwaineneiktok er bwe ren jino kwaļok ewi wāween aer nej kajjojo kappukot Kraist ilo aolep iien ekkatak jeje ko rekwojarjar an baamle eo aer. Komaroñ bar lale *Mormon.org* pija in Kūrijmōj eo ippān ro kwōj katakin im karuwaineneik bwe ren bōk koņaer kajjojo iio nān kappukot Kraist ilo laajrak in katak kein An.

AJRI RO

Alooj e Jisōs

Elōn armej ro rej alooj im kōttar lotak eo an Jisōs. Kiiō jej alooj im kōttar an bar roqłtok! Jemaroñ pojak jān ad ekkatak kōn Jisōs im ļoor E. Ewi wāween am ļoor Jisōs Kraist? Jiñaike juon iju im je ļōmņak ko am ilowaan.



Mōṅōṅō in Ineek Eddo ko an Ro Jet

Tōmak Baamle Deoor

Kanooj jar ilo am ekkatak kōn katak in im pukōt imwe nān jelā ta eo kwonaaj tilmaake. Ekōjkan ad naaj mejele unleplep eo an Douluul eo an Kōrā ro rej kōpooj leddik ro nejin Anij nān kōjeraamman ko an mour indeeo?

“Je jepool jān ro rej aikuji kea, ad kōketak, ad rejtak, ad kaenōmman, ad jouj,” Būreejtōn Thomas S. Monson ekar ba. “Jej pā ko pein Irooj ilo laḷ in, kōn juon kallimur nān jermal im nān kotak ajri ro Nejin. E ej kōjatdikdik ioodwōj kajjojo.”¹

Būreejtōn Henry B. Eyring, Rikakpilōklōk eo Kein Kajuon ilo Būreejtōnji eo Kein Kajuon, ekar ba: “Juon oktak eḷap ekar ijino ilo būruwōm ke kwaar itok nān Kabuñ in. Kwar kōmmane juon bujen, im kwar bōk juon kallimur eo ej ukōt aolepān paotokim. . . .

“ . . . Kom ar kallimur bwe kom naaj jipañ Irooj kōmeraiḷḷok eddo ko [an ro jet] im kaenōmman er. Kom kar bōk kajoor eo nān jipañ Irooj kōmeraiḷḷok eddo ko ke kwaar bōk menin letok eo an Jetōb Kwojarjar.”²

“Jej kōnaan kōjermal meram in gospel eo nān kalimjek ro jet āinwōt

an Rilōmōor eo kalimjek er—kōn tiriamō, kōjatdikdik, im iakwe emool,” Jean B. Bingham, Būreejtōn eo an Douluul eo an Kōrā ro ekar ba. “Raen eo enaaj itok nē jenaaj lukkuun mejele kōn būruwōn ro jet im naaj mōṅōṅō kōn tiriamō eo aetok kitien nān kōj—ilo ad leḷok iakwe emool ilo kōmman im ilo naan nān ro jet ilo mour in. . . .

“Jibadbad im jermal eo ad ej nān kōmman emman ippān *aolep* ilo ad kajjieon in erom āinwōt ad Rilōmōor.”³

Ilo ad ineek eddo ko an ro jet im kōjparok bujen ko ad, jej kōpelleḷḷok iaḷ eo bwe Jisōs Kraist en kōmour ro jet. Elder Jeffrey R. Holland jān Douluul eo an Joñouluo Rijilōk ro ekar katakin: “ḷōmṅak kōn wōṅāān eo jejjab maroñ keidi nān Dōbwāāl im Pinmuur eo, ij kallimuri kom bwe Eban oktaklik ḷok jān kōj kiiō.

Ke Ej ba nān ro erub būruweer, ‘Itok nān Eō,’ mejelein bwe E ejeḷā iaḷen diwōj eo im E ejeḷā iaḷ eo lōñ ḷok. E ejeḷā kōnke ekar etetal ie. E ejeḷā iaḷ eo kōnke E *ej* iaḷ eo.”⁴

Bar Jet Eoon Ko

Matu 25:40; Galatia 6:2; Mosaia 2:17; 18:8–9

KAKEMEMEJ KO

1. Thomas S. Monson, “Jermal nān Irooj kōn Iakwe,” *Liahona*, Feb. 2014, 4.
2. Henry B. Eyring, “Rikaenōmman eo,” *Liahona*, May 2015, 18.
3. Jean B. Bingham, “Inaaj Bōktok Meram eo an Gospel eo nān Mweo Imō,” *Liahona*, Nov. 2016, 6, 8.
4. Jeffrey R. Holland, “Broken Things to Mend,” *Liahona*, May 2006, 71.

ḷōmṅak kōn Menin

Ewi wāween an jipañ ineek eddo ko an ro jet im kōjparok bujen ko ad kōpelleḷḷok iaḷ eo nān an Jisōs Kraist kōmour ro rej pād ilo aikuji?